



Gabinete Wever - Croes II



ISLAONLINE


Noticia di Gobierno

2023

Diahuebs 14 September 2023

Email: IslaOnline@gobierno.aw Tel: 528-4952

2023
AÑA DI



UNION
Y POSITIVISMO!



@IslaOnline2023



GOBIERNO DI ARUBA A REUNI CU BANCO CENTRAL RIBA CON PA PREPARA PAIS ARUBA MIHO PA ATAKENAN CIBERNETICO

"E ta nos compromiso, como Gobierno pa duna tur informacion necesario di e tema aki na henter comunidad, conscientisando asina tur hende di e peligro di atakenan cibernetico"

Diahuebs mainta, Prome Minister Evelyn Wever-Croes hunto cu Minister di Husticia Rocco Tjon, y Minister di Asuntonan Economico Geoffrey Wever a reuni cu representantenan di Banco Central riba e tema di seguridad cibernetico. Manera ta conoci, esaki ta un tema importante ya cu Aruba den pasado, tabata victima di un atake cibernetico, cu a causa hopi daño. Sra Kristel de Nobrega, Manager Information Security, na Banco Central di Aruba a presenta un tesis riba e tema aki, cu a sirbi como guia pa Gobierno hunto cu Banco Central intercambia ideanan, con pa prepara Aruba pa ta mas fuerte na momento cu mester enfrenta atakenan asina.

Prome Minister a indica cu e reunion tabata uno positivo, y cu Gobierno lo sigui pone atencion riba e tema aki. E ta importante pa nos muchanan desde chikito caba, ta consciente cu cada "click" cu nan haci riba computer ta pone nan na riesgo di un atake cibernetico. Hopi biaha nos muchanan ta riba tablet of telefon, na unda cu si no tin un "network" su tras e lo ta limita te ey, pero si den caso tal tin un network, un atake lo por haci hopi daño den e data di esaki. "E ta nos compromiso, como Gobierno pa duna tur informacion necesario di e tema aki na henter comunidad, conscientisando asina tur hende di e peligro di atakenan cibernetico. Pa e motibo aki, Gobierno hunto cu Banco Central lo sigui intercambia ideanan, con pa prepara Aruba contra atakenan asina mas efectivamente posibel", Prome Minister a expresa.



Informacion di Participante

Number y Fam: _____
Fecha di Nacemento: _____ Edad: _____
Scol: _____ Klas: _____
Number di Telefon di Mayor: _____



Un number faborito pa bo cacho: _____

CONCURSO di Pintamento 2023

Bo Kier Participa?

1. Participacion ta gratis! Tur muchanan di scol basico por participa (1e - 6e klas)
2. Si bo no a ricibi e formulario na scol, bo por download e formulario via: specialprojectsaruba.org
3. Tarea 1: Duna bo cacho un number
Tarea 2: Pinta un (of mas) cacho den cura
4. Bo pintura mester ta uno original y creativo, e pintura mester ilustra un cacho den cura y bo por incorpora mas di e puntonan di e Ley di Cacho den dje
5. E pintura mester ta den color y mester ta pinta door di e mucha mes
6. Un (l) pintura pa cada participante; entrega bo formulario no mas tarda cu dia 22 di september 2023 na Bestuurskantoor Oranjestad, na HBK San Nicolas, of na e MFA mas cerca dibo
7. E ganadornan di cada klas lo wordo anuncia dia 4 di oktober 2023 Dierendag riba e pagina facebook di Gabinete Wever-Croes
8. Lo tin un regalito pa tur e ganadornan cu lo wordo entrega fin di oktober



Area pa pinta ↓

Area pa pinta ↓



PRONTO LO EHECUTA FASE 3 Y 4 DI PROYECTO MALMOK BOARDWALK



Diahuebs mainta Minister di Turismo y Salud Publico a tene un conferencia di prensa na Malmok. E mandatario a anuncia e continuacion di e proyecto di Malmok Boardwalk. Manera ta conoci e maneho di Minister Oduber ta pa sigui inverti den embeyecimento di Aruba su infraestructura pa asina eleva e producto Aruba.

Minister Oduber a duna di conoce cu e proyecto di Malmok Boardwalk a wordo parti den 6 fase. E fase 1 y 2 di e proyecto ya caba a wordo entrega y awor ta bay continua cu fase 3 y 4. E meta di e boardwalk semper tabata pa mehora e seguridad di e area pa ambos turista y localnan. Danki na e boardwalk tur hende por ta mas sigur ora nan, sea cana of core bais riba e caminda panoramico aki di nos isla. Proyecto Malmok Boardwalk ta wordo realisa cu fondonan di Tourism Product

Enhancement Fund (TPEF).

FASE 3 (2023)

Den fase 3 di e proyecto di Malmok Boardwalk lo bay embeyece e area na comienso di e boardwalk y unda tin e pasarela di palo cu flora, pergola y banki. E idea ta pa uza matanan cu ta autentico di Aruba. Segun e mandatario, si tur cos ta bon, DOW lo publica e destaho publico di fase 3 na fin di september.

FASE 4 (2024)

Den fase 4 di e proyecto lo bai conecta e boardwalk cu Ritz Carlton. E idea ta cu den e parti aki di e boardwalk lo bay pone palo di coco. Esaki lo crea un bunita pasarela conectando cu Ritz Carlton. E plan ta pa e destaho publico di fase 4 wordo publica den e prome cuartal di aña 2024.

Continuacion PRONTO LO EHECUTA FASE 3 Y 4 DI PROYECTO....

TPEF (Tourism Product Enhancement Fund) ta un fondo cu ta dirigi pa mehora producto Aruba, esaki nan ta hacie pa medio di inversion. TPEF ta inverti den conscientisacion, por ehempel den Stimami Sterilisami, cu ta e programa di sterilisa cacho cu pushi. Tambe nan ta inverti den nos herencia y atraccion, manera ta e proyecto di renobacion di nos Museo Arkeologico Nacional. Nan ta inverti den seguridad y den tene nos costanan limpi. Tur esaki ta yuda eleva e producto turistico cu Aruba ta ofrece na nos turistanan.

Minister Oduber a gradici e comision di infraestructura cu ta trahando duro pa ehecucion di tur e proyectonan di mehoracion y embeyecimento. E mandatario a duna gradicimento tambe na henter e Board di TPEF pa sostene tur su proyectonan. Danki pa aproba e proyectonan conforme e vision y maneho di Ministerio di Turismo.





FALTA 1 SIMAN MAS PA POR PARTICIPA DEN E CONCURSO DI PINTAMENTO "CACHO DEN CURA"

E aña aki ta di cinco aña consecutivo cu ta organisa un Concurso di Pintamento, pues Gobierno di Aruba ta celebrando su prome lustro pa cu esaki.

E meta di e concurso ta pa conscientisa specialmente nos muchanan tocante Aruba su Ley di Cacho. E muchanan na nan turno a traves di nan pintura ta expresa y por siña mas tocante e ley aki y nan tambe kisas lo por educa hendenan rond di nan ora nan mira algo cu no ta cuadra cu nan deber. E aña aki e muchanan mester pinta un of mas cacho den cura; Minister di Enseñansa Endy Croes a dicidi di sigui e liña di e campaña cu Cuerpo Policial a inicia na juli: Cacho Den Cura, Ta Ley E Ta.

Participacion ta gratis y tur mucha cu ta bay scol basico por participa. Si abo como mayor sa cu bo yiu no a ricibi e formulario na scol, por download e formulario via www.specialprojectsaruba.org tambe pa print pagina 2 (e print mag ta blanco cu preto); pagina 1 ta e pagina di informacion.

E pintura mester ta na color y pinta door di e mucha mes, pues sin ayudo di un mayor. Detayes con pa por comunica cu e alumno cu a gana tambe ta importante pa wordo menciona riba e formulario di participacion.

Ultimo dia cu por entrega e formularionan di participacion ta diabierna dia 22 di september 2023. Por entrega e formularionan na Bestuurskantoor Oranjestad, na HBK San Nicolas of na e MFA mas cerca.

E ganadonan lo wordo anuncia dia 4 di october 2023 riba e pagina di Facebook di Gabinete Wever-Croes. E muchanan cu gana lo wordo invita den e luna di october, despues di vakantie, pa ricibi nan regalito.

Gobierno di Aruba ta invita tur mayor y maestro pa stimula e muchanan cu ta bay scol basico pa participa. Minister Endy ta spera di por "conta cu un cantidad

record e aña aki".

Si tur ciudadano di Aruba cuminsa inculca e atencion debido di nos Ley di Cacho den nos muchanan, nos lo por garantiza un bunita futuro pa locual ta trata doñonan di mascota responsabel cu ta respeta ley y alabes nan propio cachonan.

Informacion di Participante

Number y Fam: _____

Fecha di Nacemento: _____

Scol: _____

Number di Telefon di Mayor: _____

8 DIA SO MAS PA BO CABA DI PINTA

1 OF MAS CACHO DEN CURA

Un number faborito pa bo cacho: CORDA SKIRBI UN NOMBRE

I Love My PET

Ganador Concurso 2022 – Kristin Maduro, categoria 5e klas

Area pa pinta

Area pa pinta

MINISTER ENDY CROES A PRESENCIA APERTURA DI AÑA PARLAMENTARIO 2023- 2024

Ta desea tur parlamentario exito y sabiduria den e Aña Parlamentario nobo



Riba e di dos diamars di september, ta tuma luga apertura di Aña Parlamentario. En conexcion cu e fecha aki Parlamento di Aruba a conmemora di 38 Aña Parlamentario di e organo mas importante di Pais Aruba. Parlamento ta representa e Pueblo Arubano y ta e organo mas halto den e structura constitucional di Aruba. Un di e tareanan mas importante di Parlamento di Aruba ta pa traha hunto cu Gobierno di Aruba riba creacion di ley (ordenansa nacional). Un minister ta entrega un proyecto di ley pa tratamiento na Parlamento di Aruba.

Banda di e poder legislativo aki, Parlamento di Aruba tin tambe e deber di supervisa y controla e maneho di Gobierno di Aruba. Presente na e mainta special aki, tabata S.E. Gobernador di Aruba, Alfonso Boekhoudt acompaña pa su kerida esposa, Minister Endy Croes, Consejo di Minister, miembronan di Parlamento di Aruba y invitadonan di diferente departamento gubernamental y organizacion di nos pais. Durante e ceremonia solemne S.E. Gobernador di Aruba a declara Aña Parlamentario 2023 – 2024 oficialmente habri. Minister Endy Croes a expresa cu Gobernador Alfonso Boekhoudt a hiba un discurso elocuente cu bunita mensahe. Gobernador a subraya e retonan grandi cu Aruba ta traspasando y recuperando for di e pandemia.

Gobernador a papia di entre otro, economia, enseñansa, labor, husticia y salubridad. Gobernador a elabora riba e tarea di diferente minister y a duna e linea recta unda Aruba mester reforsa den union pa por sali afo na un manera fuerte. Tambe, gobernador a pidi hopi pa union. Den union nos por sali for di tur loke Aruba a pasa aden desde e pandemia. Pa conclui, Minister Endy Croes ta felicita Parlamento di Aruba, alabes ta desea tur parlamentario hopi exito y sabiduria den Aña Parlamentario nobo.



SHOWROOM DI PRODUCTONAN COLOMBIANO NA ARUBA



CATA & SHOWROOM

DE PRODUCTOS DE ORIGEN COLOMBIANO
¡El café y la panela se toman Aruba!

MARTES 19 SEP 2023 3:00 pm - 5:00 pm
Restaurante "Que Pasa"
Wilhelminastraat 18
Oranjestad, Aruba

Organizan:



Apoya:





Diamars, 19 di september 2023, lo tuma lugar un Tasting y Showroom di productonan di origen Colombiano na 'Que Pasa Restaurant' di 3.00 pm – 5.00 pm. E evento aki ta organisa door di Holland House Colombia y Autoridad di Cundinamarca cu colaboracion di Aruba Wine & Dine. Durante e evento aki

productonan di koffie y panela lo demostra nan productonan na cumpradornan cu ta interesa. Pa cu esaki tur importador, doño di restaurant, supermercado y otro interesadonan ta keda invita pa asisti na e Tasting & Showroom. Registracion no ta necesario. E ta un evento habri pa tur interesado.

E evento aki no ta para su so, pero ta forma parti di e lazo economico cu Gobierno di Aruba ta fortificando cu Colombia. Recientemente Minister Geoffrey Wever di Asuntonan Economico, Comunicacion y Desaroyo Sostenibel a lidera un mision comercial exitoso na Bogota cu 15 compania di Aruba. Esaki ta organisa den cooperacion cu Camara di Comercio di Aruba y Departamento di Asuntonan Economico, Comercio y Industria. Ademas durante e mision comercial, a habri oficialmente e Aruba Office na Holland House Colombia. Esaki ta netamente e cooperacion cu Gobierno di Aruba tin cu Holland House Colombia pa facilita bishitanan comercial for di Colombia pa introduci productonan nobo riba mercado di Aruba.

E cooperacion cu Holland House Colombia tin hopi mas beneficio pa comerciantenan di Aruba cu tin interes pa explora e mercado Colombiano, pero no sa na unda pa start. Pa mas informacion riba asistencia di Holland House Colombia, por comunica cu Departamento di Asuntonan Economico, Comercio y Industria via info@deaci.aw.

GRATIS

Promove salud y bienestar 2023

EXP 

Promocion di salud y actividad fisico na trabou!

Luga: Renaissance Convention Center

Fecha: Diasabra 23 di september, 2023

Ora: 10:00am – 4:00pm

Lo tin: Variacion di charla, chekeo gratis y booth informativo



Gabinete Wever - Croes II




PLATAFORMA
**PROMOCION
DI SALUD**



**TOGETHER
LET'S BEAT NCDs**

Union ta importante pa cualkier sociedad pasobra e ta e base di forsa, poder, guia, curashi y desaroyo. Union ta provee un fuente constante di motivacion positivo y e ta e vinculo pa logronan grandi. Esey ta loke Aruba a demostra, den union y cu positivismo a logra recuperacion despues di varios crisis tras di otro.



2023

AÑA DI UNION Y POSITIVISMO! _____